

Utusan Borneo : 23 Jun 2022

Didenda RM500 kerana miliki rangka basikal, rim secara tak sah

MIRI: Seorang lelaki didenda RM500 atau dua minggu penjara oleh Mahkamah Majistret kerana kesalahan memiliki rangka sebuah basikal dan dua rim yang diperolehi secara tidak sah.

Hukuman itu dijatuhkan Majistret Nazira Adlin Ahmad Khairul Razi setelah Mohamed Endera Karim, 41, dari Kampung Pujut Padang Kerbau di sini, men-

gaku bersalah atas tuduhan yang dibacakan kepadanya mengikut Seksyen 37 (1) Ordinan Kesalahan-Kesalahan Kecil 1958 (Sarawak).

Mengikut kesalahan ini, tertuduh boleh dikenakan hukuman penjara sehingga tiga bulan dan denda maksimum RM500 jika sabit kesalahan.

Menurut keterangan kes, tertuduh didapati te-

lah memiliki rangka sebuah basikal berserta dua rim basikal yang diperolehi secara tidak sah.

Dia didakwa melakukan kesalahan itu pada jam 20 petang, 20 Jun lalu di rumahnya di Kampung Pujut Padang Kerbau di sini.

Pendakwaan dilakukan Inspektor Syahrizan Taha manakala tertuduh tidak diwakili peguam bela.